

commune Bonum cum Prudentia, Constantia, &c. profèqui: vel datâ Lege de profecutione Boni Communis pro virili nôstra, datur Lex imperans Prudentiam, Constantiam, Fidem, &c. Nec dispar est ratio legum quæ jubent fidem dare & fervare, ac gratitudinem exercere; hæc enim in actibus erga omnes profus rationales pariter locum habent. Alii verò multi sunt actus humani qui licèt totius communitatis Rationalium bono inferviant, certis tamen illius partibus immediatè & peculiari modo appropriantur: ideoque Proprietatis ac Domini (paulò laxiore sensu verborum quàm qui apud JCtos civiles, in usu est) origo quærenda est.

---

CAPUT VII.

*De Origine Domini & Virtutum  
Moralium.*

§. I.

Q Uemadmodum Animalis Oeconomia verè quidem, sed non fatis plenè explicatur dicendo; Totam corporis fabricam à perenni sanguinis motu in se se refluxo sustineri; ita etiam Societas omnium rationalium vere quidem dicta est conservari reciprocis officiis in publica commoda collatis; at non fatis plenè explicabitur, donec ostensum fuerit quales tandem actus præcipuis ejus partibus in hunc finem necessario tribuendi sint, & propriis earum usibus destinandi; uti ad pleniorum Naturæ Animalium explicatio-